

## Script of Evening Gojri News Bulletin 30 August 2024 at 1700 Hrs

ایوٹننگ گو جری نیو ز بلیٹن مو رخہ 30 اگست 2024

\*\*\*\*\*

یوہ آکا شوانی جموں ہے عبدالرحمن تے عبدالمجید تیں خبر سُنو۔ پہلاں خاص خاص خبر۔

\*\*\*\*\*

1★ وزیر اعظم نریندرمو دی نے ممبئی مانہہ گلوبل فینٹک فیسٹ سنگ خطاب کرتاں واں کہیو ہے جے بھارت فینٹک مالی خدمات غی جمہوریت سازی مانہہ اہم کردار ادا کرے گو۔

2★ نائب صدر جمہوریت جگدیپ دھنکڑ نے کہیو ہے جے وکست بھارت بنان مانہہ کالسرین بہت اہم شراکت دار ہیں۔

3★ خارجہ امور غا وزیر ڈاکٹر ایس جے شنکر نے کہیو ہے جے پاکستان نال لگاتار مذاکرات غو دور ختم ہو گیو ہے۔

4★ تے حکومت نے بہاویشے غا ای ایچ آر ایم ایس سنگ ڈیجیٹل انضمام آلا واحد تے آسان پنشن درخواستی فارم نانہہ شروع کیو ہے۔

\*\*\*\*\*

خبراں غی تفصیل نال پہلاں عبدالرحمن ۔

### Mumbai PM

وزیر اعظم نریندرمو دی نے کہیو ہے جے بھارت غو فینٹک یعنی بینکنگ و ماحولیاتی نظام لوکاں غی زندگیاں مانہہ آسانی لیاوے گو۔ اج ممبئی مانہہ اک خصوصی گلوبل فینٹک فیسٹ سنگ خطاب کرتاں واں جناب مو دی نے کہیو ہے جے بھارت غی طرفوں فینٹک نانہہ عملانو رفتار اور پیمانہ غا لحاظ سنگ بے مثال ہے۔ تے ادھی عالمی دُنیا غو اصل ڈیجیٹل لین دین بھارت مانہہ وے۔ وزیر اعظم نے کہیو ہے جے مالی خدمات غی جمہوریت سازی مانہہ فینٹک نے اک اہم رول ادا کیو ہے۔ اُنہاں نے مزید کہیو ہے جے ڈیجیٹل لین دین نے متوازی معیشت غی بدعت نانہہ ختم کیو ہے۔ تے بینکنگ نظام مانہہ شفافیت نانہہ بدھایو ہے۔ جناب مو دی نے کہیو ہے جے فینٹک سنگ آہو بدلاؤ بھارت مانہہ صرف ٹیکنالوجی تک ہی محدود نہیں۔ بلکہ اس گا

بڑا دور اندیش مقاصد ہیں۔ وزیر اعظم نے گلوبل فنٹیک فیسٹ یعنی جی ایف ایف نمائش غو وی دورو کیو۔ جت فنٹیک منظر کشی غی تازہ جدعت غو مظاہرو کیو جا ربیو ہے۔ اس موقعہ و ر بولتاں واں بھارتیہ ریزرو بینک غا گو رنر شکتی کا نت داس نے کہیو جے بھارت ہن بدلاؤ با رے انقلاب غا اُس کنارہ ور ہے۔ جت ٹیکنالوجی ہر شہری غی اُمید اں نانہہ پوراں کرن با رے انجن غو کم کرے۔ گلوبل فنٹیک فیسٹ 2024 گو سانجھو انعقاد بھارتیہ آدائیگی کونسل بھارتیہ قومی آدائیگی کا رپو ریشن تے فنٹیک ہم آہنگی کونسل غی طرفوں کیو جا ربیو ہے۔ اس کا نفرنس گا کوئی 350 تیں زیا دہ اجلاسائ سنک تقریباً 8 سو مقرربن بھارت تے دوجا مُلکاں تیں خطاب کریں گا۔

\*\*\*\*\*

## VP Women

نائب صدر جمہوریہ جگدیپ دھنکڑ نے کہیو ہے جے خواتین غی شمولیت غے بغیر مُلک ویلے سر لوڑتی اقتصادی ترقی نہیں حاصل کرسکتو۔ وے اج دہلی غی بھارتی کالج یونیورسٹی مانہہ تبادلہ اجلاس بہ عنوان ”وکست بھارت مانہہ کواتین غا رول“ با رے خطاب کر رہیا تھا۔ جناب دھنکڑ نے کہیو جے وکست بھارت بنان با رے خواتین بڑی اہم شراکت دار ہیں۔ کلکتہ آبروریزی و قتل واقعہ ور دُکھ ظاہر کرتاں واں اُنہاں نے کہیو جے جت خواتین تے لڑکیں محفوظ محسوس نہ کریں۔ وہ سماج مہذب نہیں ہے۔ نائب صدر جمہوریہ نے کہیو جے بھارت اک بہتر اقتصادیات ور اگے بدھ ربیو ہے۔ جت اک مضبوط صنعتی نظام پیدا ہو رہیو ہے۔ تے لوکاں غو معیار زندگی بہتر ہوتاں واں اُنہاں نانہہ زندگی غی تمام بنیا دی سہولیات میسر آرہی ہیں۔ جناب دھنکڑ نے کہیو جے اک دیہائی پہلاں بھارت 5 نازک مُلکاں وچوں نکل غے ہن 5 بڑی اقتصادیات مانہہ شامل ہے۔ موسمی تبدیلی ور تشویش غو اظہار کرتاں واں اُنہاں نے کہیو جے عالمی دُنیا غے سامنے یاہ اک للکار ہے۔ اُنہاں نے لوکاں نانہہ تے خاص کر طالب علماں نانہہ کہیو جے وے زمینی سیا رہ نانہہ بچان با رے پودہ لا

ویں۔

\*\*\*\*\*

CS IT

چیف سیکریٹری جناب آئل ڈلو نے کل بکھ بکھ شراکت داراں غی اک میٹنگ غی صدارت کرتاں واں صحت، جل شکتی تے دوجا محکماں غی طرفوں اطلا عاتی ٹیکنالوجی مداخلتاں با رے جانکا ری حاصل کی۔ جن غو مقصد ان محکماں غی خدمات نانہ عوام تک رسائی وبھروسے مند بنايو جا سکے۔ میٹنگ غے دوران چیف سیکریٹری موصوف نے ان محکماں غا کم کاج مانہ بہتری لیان با رے ٹیکنالوجی مداخلت غا شراکت داراں سنگ تفصیلاً تبادلہ خیال کیو۔ انہاں نے ان محکماں نانہ ہدایت جا ری کیں جے وے اپنی خدمات غے سامنے کمزوریاں غی نشاندہی کرتاں واں انہاں نانہ درست کرن با رے جدید ٹیکنالوجی نانہ استعمال مانہ آنیو جا ئے۔ میٹنگ غے دوران حال ہی مانہ عوامی شکایات غا نمیڑا با رے شروع کیا گیا سمادھان پورٹل ور کم کاج با رے وی جانکا ری حاصل کی گئی۔

\*\*\*\*\*

### India China LAC

بھارت اور چین نے سرحدی علاقاں مانہ زمینی سطح ور امن تے شانتی سکون برقرار رکھن گو فیصلو کیو ہے۔ دوباں ملکاں نے دُبرایو ہے جے دو طرفہ تعلقات نانہ معمول ور لیان واسطے بنیا دی چیز اصل قبضہ لکیر ور امن سکون تے وقار بحال کرنو ہے۔ بیجنگ مانہ گزشتہ روز بھارت چین سرحدی امور ور ہم آہنگی تے مشاورت واسطے کارگذار طریقہ کار غی 31 ویں میٹنگ منعقد ہو ئی تھی۔ خارجہ امور غی وزارت غے مطابق دوباں ملکاں بشکار آئندہ واسطے تعمیری تے کُھل غے تبادلہ خیال ہوؤ۔

\*\*\*\*\*

### SVEEP Jammu

اسمبلی چناؤ 2024 تیں پہلاں ووٹ غی اہمیت تے چناؤ عمل غی جانکا ری دین خاطر سویپ پروگرام غے تحت اج گو رنمنٹ ایم اے ایم پی جی کالج جموں مانہ اک بیداری پروگرام غو انعقاد کیو گیو۔ اس موقع ور بولتاں واں اختر حسین قاضی نوڈل افسر سویپ تے سپنا کو توال نے اس طرح کہیو۔۔۔باٹ۔۔۔

\*\*\*\*\*

### SVEEP Reasi

بکھ بکھ اسکیمان غے تحت لوکاں نانہہ ووٹ پان غی اہمیت با رے بیدار کیو جا ریو  
بے۔ اج لڑکاں واسطے سرکاری ہاٹر سکینڈری اسکول ریا سی مانہہ سویپ پروگرام  
غے تھٹ بکھ بکھ مقررین نے طالب علماں نانہہ ووٹ پان گا عمل تے اہمیت با رے  
بیدار کیو۔ صرف یوہ ہی نہیں گیت غا ہ غے وی ووٹراں نانہہ ووٹ غی ہم ساراں  
واسطے اہمیت بارے آگاہ کیو گیو ہے۔ مہارا نامہ نگا ر دیو پندر ٹھاکر نال گل کرتاں واں  
نربندر کھجورہ تے اشوک کمار کیرنی نے اس طرح کہیو۔۔۔ ہاٹ۔۔

\*\*\*\*\*

### **SVEEP Udhampur**

ضلع چناؤ افسر اُدھم پور سلونی رائے تے ڈپٹی الیکشن افسر ڈاکٹر انیرود رائے غی  
سربنرابی مانہہ اج سرکاری ہاٹر سکینڈری اسکول اُدھم پور مانہہ سویپ پروگرام  
گو انعقاد کیو گیو۔ اس موقعہ و ر بولتاں واں ڈپٹی الیکشن افسر ڈاکٹر انیرود رائے  
نے سویپ سرگرمیاں غی اہمیت تے ووٹ پان غی اہمیت با رے جانکاری دتی۔ مہارا  
نامہ نگا ر نال گل کرتاں واں ڈاکٹر انیرود رائے نے کہیو۔۔۔ ہاٹ۔۔

\*\*\*\*\*

یہ خبر تم آکاشوانی جموں تیں سن رہیا ہیں خبراں غا باقی حصہ نال عبدالمجید۔

### **Jainshanker Pak**

خارجہ امور غا وزیر ڈاکٹر ایس جے شنکر نے کہیو ہے جے پاکستان نال لگاتار گل بات غو  
زمانو ختم ہو گیو ہے۔ جے شنکر نے یاہ گل نوی دہلی مانہہ اک کتاب غا اجراء غے دوران  
کہی۔ اُنہاں نے کہیو جے پاکستان نال روابط گا سلسلہ مانہہ بھارت اُس سمت مانہہ  
رد عمل دے غو جس سمت مانہہ وہ عمل کرے گو۔ تے دفعہ 370 جموں کشمیر تیں  
بٹادتی گئی ہے۔ بنگلہ دیش بارے بولتاں واں وزیر نے دسیو جے گوانڈی مُلک مانہہ اج  
غی سرکاری نال بھارت رابطو بناوے گو تے اُت سیاسی تبدیلی غے دوران دو طرفہ تعلق  
خاطر گور کیو جائے گو۔ بھارت غا مالدیپ نال تعلق با رے وزیر خارجہ نے کہیو جے  
بھارت غی مالدیپ غے تئیں طریقہ کار مانہہ نشیب فراز رہیا ہیں۔ افغانستان نال  
بھارت غا تعلقات با رے وزیر موصوف نے دسیو جے سماجی سطح و ر لوکاں گا لوکاں

سنگ تعلقات مضبوط ہیں تے بھارت افغان پالیسی غا جائزہ تیں بعد نوی دہلی غو  
موقف واضع ہے۔

\*\*\*\*\*

### **Jatinder Pensions**

پنشنرز واسطے پنشن عمل نانہ آسان کرن غا مقصد سنگ حکومت نے آج بھاوشیہ  
نانہ ای ایچ آر ایم ایس سنگ ڈیجیٹل انضمام آلا آسان پنشن درخواستی فارم نانہ  
شروع کروایو ہے۔ اس منفرد پہل نانہ اج نوی دہلی مانہ ویڈیو کا نفرنگ غے ذریعے  
عملہ، عوامی معاملات تے پنشن با رے مرکزی وزیر مملکت ڈاکٹر جتندر سنگھ نے  
شروع کروایو ہے۔ اس موقعہ و ر بولتاں واں ڈاکٹر جتندر سنگھ نے کہیو جے حکومت  
لوکاں غی زندگیاں مانہ آسانی لیانو چاوے۔ اُنہاں نے کہیو جے اس پنشن  
درخواستی فارم سنگ پنشنرز واسطے پنشن عمل آسان ہو جائے گی۔ اس موقعہ و ر  
عملہ و تربیت با رے محکمہ گا سیکرٹری وویک جوشی نے اس پہل نانہ انسانی  
ذرائع انتظامات نانہ بہتر بنان با رے اک اہم سنگ میل دسیو۔ اُنہاں نے کہیو جے 9  
پنشن فارماں نانہ اکھٹاں کر غے واحد نووں فارم تیار کیو گیو ہے۔ اُنہاں نے کہیو جے  
ایس ایم ایس تے ای میل غے ذریعے پنشن حاصل کرن آلاں نانہ تازہ جانکا ری دتی  
جائے گی۔

\*\*\*\*\*

### **First Time Voters**

ضلع کشتواڑ گا دور دراز علاقہ سر تھل غی بسنیک نیہی راٹھور تے پائیل پر بہار  
آئندہ اسمبلی چناواں مانہ پہلی بار ووٹ کہلیں گی تے وے پہلی وری ہق رائے  
دیہی غو استعمال کرن واسطے کافی پُر جوش ہیں۔ آکاشوانی نامہ نگار نال اپنا  
خیالات غو اظہار کرتاں واں نیہی راٹھور تے پائیل پر بہار نے اس طرح کہیو۔۔۔ با  
ٹ۔۔۔

\*\*\*\*\*

### **SVEEP Poonch**

ضلع چناؤ حُکام پونچھ نے اج پونچھ غا دینا ناتھ میموریل لڑکیاں گا ہائر سکینڈری  
اسکول مانہ سویپ پروگرام غے تحت نوجوان ووٹراں واسطے بیداری کیمپ تے

مجلس مذاکرہ غو انعقاد کیو۔ اس تقریب غو مقصد اس مانہہ شریک ہون آلا نوجواناں  
نانہہ چناؤ عمل تے ووٹ پان غی اہمیت با رے جانکا ری دینو تھو۔ مہارا ضلع نامہ نگا  
ر انوبھو مسری نال گل کرتاں واں ضلع سطح غا ما سٹر ٹرینر راویندر سنگھ نے  
کہیو۔۔۔ با ٹ۔۔۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔